

Hæst dæmdu hross ársins 2023

Alls komu 528 hryssur og 232 stóðhestar til fullnaðardóms á árinu en dómur voru fleiri enda nokkuð um endursýningar. Alls var felldur 901 dómur sem er nokkuð í samræmi við fyrri ár þegar landsmót eru ekki haldin.

Hryssur 4 vetra

Þriðju hæstu aðaleinkunn 8,30 hlaut Hildigunnur frá Syðri-Gegnishólum. Ræktandi og eigandi Olil Amble. Hildigunnur er dóttir Álfakletts frá Syðri-Gegnishólum og Gráhildar frá Selfossi. Hildigunnur hlaut 8,51 fyrir sköpunag og 8,19 fyrir hæfileika. Hildigunnur er fríð og glæsileg á velli með 9,0 fyrir háls, herðar og bóga. Hún er viljug og þjál alhliðahryssa með 8,5 fyrir tölt, skeið og fegurð í reið og 9,0 fyrir samstarfsvilja.

Næsthæstu aðaleinkunn 8,37 hlaut Nóta frá Sumarliðabæ 2. Ræktendur eru Birgir Már Ragnarsson og Silja Hrund Júlíusdóttir en eigandi er Svarthöfði-Hrossarækt ehf. Nóta er undan Spuna frá Vesturkoti og Flautu frá Einhamri 2. Nóta hlaut 8,08 fyrir sköpunag og 8,52 fyrir hæfileika. Hún er þjál og viljug alhliðahryssa með 9,5 fyrir samstarfsvilja, 9,0 fyrir tölt og 8,5 fyrir brokk, fet og fegurð í reið.

Hæsta aðaleinkunn ársins í þessum flokki var 8,62 sem er mögnuð einkunn en hana hlaut Arney frá Ytra-Álandi. Þetta er þriðja hæsta einkunn sem fjögurra vetra hross hefur hlotið fyrr eða síðar. Ræktandi hennar er Úlfhildur Ída Helgadóttir en eigendur eru Ragnar Skúlason og Úlfhildur Ída Helgadóttir. Arney er undan Skýr frá Skálakoti og Erlu frá Skák og er fjölhæfur alhliðagæðingur með frábærar gangtegundir en hún hlaut 8,31 fyrir sköpunag og 8,78 fyrir hæfileika. Arney hlaut 9,5 fyrir samstarfsvilja, 9,0 fyrir tölt og fegurð í reið, 8,5 fyrir brokk, skeið, greitt stökk og fet, ótrúlegar einkunnir fyrir svo ungt hross.

Hryssur 5 vetra

Fjóla frá Garðshorni á Þelamörk hlaut þriðju hæstu aðaleinkunn ársins í þessum flokki, 8,50. Ræktendur hennar eru Agnar Þór Magnússon og Birna Tryggvadóttir Thorlacius en eigendur eru Hlynur Kristinsson og Sportheitar ehf. Fjóla er undan Adrían frá Garðshorni á Þelamörk og Grósku frá Garðshorni á Þelamörk. Fjóla er stórglæsileg alhliðahryssa með 8,60 fyrir sköpunag en hún fékk 9,0 fyrir háls, herðar og bóga, bak og lend og samræmi. Fyrir hæfileika hlaut hún 8,45, m.a. 9,0 fyrir skeið og samstarfsvilja.

Næsthæstu aðaleinkunn ársins í þessum flokki hlaut Hugmynd frá Svignaskarði, 8,51, eins og reyndar efsta hryssan í þessum flokki en á milli skilja nokkrir aukastafir. Ræktendur og eigendur Hugmyndar eru Guðmundur Skúlason og Valdís Björk Guðmundsdóttir. Hugmynd er undan Apollo frá Haukholtum og Hugsýn frá Svignaskarði. Hún hlaut 8,50 fyrir sköpunag enda fríð hryssa með 9,0 fyrir bak og lend og samræmi og 8,5 fyrir höfuð og háls, herðar og bóga. Hugmynd fékk 8,51 fyrir hæfileika með 9 fyrir tölt, samstarfsvilja og fegurð í reið.

Hæstu aðaleinkunn ársins í þessum flokki hlaut Ársól frá Sauðanesi. Ræktandi hennar er Ágúst Marínó Ágústsson en eigendur eru Jens Peter Sonne, Maja Lykke Groth og Marianne Sonne. Ársól er undan Spuna frá Vesturkoti og Sóllilju frá Sauðanesi. Ársól hlaut 8,24 fyrir sköpunag, m.a. 8,5 fyrir háls, herðar og bóga, samræmi og hófa. Ársól er viljug og fjölhæf alhliðahryssa en hún er með 9,0 fyrir skeið, fet og samstarfsvilja og 8,5 fyrir tölt, brokk, hægt stökk og fegurð í reið.



Arney frá Ytra-Álandi. Knapi er Agnar Þór Magnússon.

Myndir / Kolla Gr.



Strengur frá Þúfum. Knapi er Gísli Gíslason.

Mynd / Kolla Gr.

Hryssur 6 vetra

Þriðju hæstu einkunn ársins hlaut Kamma frá Margrétarhofi en hún er undan Spuna frá Vesturkoti og Kappadótturinni Hörpu frá Gunnarsstöðum I. Ræktandi og eigandi Kömmu er Margrétarhof hf. Kamma hlaut 8,59 í aðaleinkunn á síðsumarsýningu á Gaddstaðflötum. Fyrir sköpunag hlaut hún 8,16 og fyrir kosti hlaut hún 8,82 þar af 9,5 fyrir samstarfsvilja og 9,0 fyrir tölt, skeið og fegurð í reið. Kamma er léttbygð og framfalleg alhliðahryssa með mjög gott bak og lend, rúm á gangi með úrvals samstarfsvilja.

Áðra hæstu einkunn í sex vetra flokki hryssna fékk Aþena frá Þjóðólshaga 1 með 8,60 í aðaleinkunn. Aþena er undan Skýr frá Skálakoti og Örnú frá Skipaskaga. Aþena er ræktuð af Sigurði Sigurðarsyni og Sigríði Arndís Þórðardóttur en er í eigu Svarthöfða-Hrossaræktar ehf. Fyrir sköpunag hlaut Aþena 8,37 þar sem flestir eiginleikar eru með 8,5. Fyrir kosti hlaut hún 8,97, þar af 9,0 fyrir tölt, hægt stökk, samstarfsvilja og fet. Aþena er

fasmikil í reið með þjálán og mikinn vilja þar sem skreflengd og fótaborður einkenna gangtegundir.

Efsta sex vetra hryssa er Hildur frá Fákshólum sem er undan Ölni frá Akranesi og Gnýpu frá Leirulæk. Ræktandi Hildar er Jakob Svavar Sigurðsson en eigandi er Gut Birkholz GbR. Hildur hlaut í aðaleinkunn 8,65, fyrir sköpunag 8,69 og fyrir kosti 8,63. Hildur fékk 9,0 fyrir háls, herðar og bóga, bak og lend og samræmi. Fyrir gangtegundir ber hæst skeiðið en hún er frábæra vökur og hlaut 9,5 fyrir það, fyrir samstarfsvilja hlaut hún 9,0. Hildur er afskaplega vel gerð hryssa, viljug og þjál með takhreinir vel aðskildar gangtegundir þar sem rými, skreflengd og fótaborður eru aðallinn.

Hryssur 7 vetra og eldri

Þriðju hæstu einkunn ársins hlaut Nóta frá Flugumýri II en hún er undan Blysfara frá Fremra-Hálsi og Keilisdótturinni Smellu frá Flugumýri. Ræktendur eru Páll Bjarki Pálsson og Eyrún Anna Sigurðardóttir en eigendur eru

Martin Skovsende og Eyrún Ýr Pálsdóttir. Nóta er afar vel gerð með 8,63 í sköpunag þar af 9,0 fyrir háls, herðar og bóga, bak og lend og samræmi. Fyrir kosti hlaut hún 8,62 þar af 9,0 fyrir brokk og samstarfsvilja. Nóta er framfalleg, viljug alhliðahryssa með afar góða yfirlínu og kemur vel fyrir í reið, skrefmikil og lyftingargóð.

Áðra hæstu einkunn í elsta flokki hryssna fékk Kría frá Hvammi undan Kiljan frá Steinnesi og Ópal frá Hvammi. Ræktandi og eigandi Kría er Pétur Benedikt Guðmundsson. Í aðaleinkunn hlaut Kría 8,68, þar af 8,06 fyrir sköpunag og 9,02 fyrir hæfileika. Hæst ber að nefna 10,0 fyrir samstarfsvilja, 9,5 fyrir skeið og 9,0 fyrir tölt, hægt tölt og fegurð í reið. Kría er algjör gæðingur á gangi og í geði. Framganga hennar einkennist af miklum fótaborði, rými og öryggi.

Hæsta hryssan í þessum flokki er gæðingshryssan Katla frá Hemlu II undan Skýr frá Skálakoti og Roðadótturinni Spyrnu frá Síðu. Ræktendur Kötlu eru Vignir Siggeirsson og Anna Kristín Geirsdóttir en eigendur eru Anja Egger-Meier og Kronshof GbR. Katla hlaut 8,79 í aðaleinkunn og er afar vel sköpuð með 8,66, þar af 9,0 fyrir höfuð, háls, herðar og bóga, samræmi og þrúðleika. Fyrir kosti hlaut Katla 8,86, þar af 9,5 fyrir samstarfsvilja, 9,0 fyrir tölt, skeið og fegurð í reið. Katla er einstakur gæðingur framfalleg og samræmisgóð og skartar jafnvægisgóðri og réttri líkamsbeitingu með mykt, skrefstærð og fótaborði á gangi.

Stóðhestar 4 vetra

Þriðju hæstu einkunn ársins hlaut Símus frá Bræðraá. Ræktendur hans eru Pétur Vopni Sigurðsson og Sigríður Pétursdóttir en eigandi er Núi Sigurðsson. Símus er undan Skýr frá Skálakoti og Bylgju frá Sauðárkróki sem er undan Blæ frá Hesti. Hann er framfallegur og samræmisgóður og er nokkuð jafn fyrir sköpunag og hæfileika. Hæfileikar hjá þessum alhliðahesti skiptast nokkuð jafnt þar sem góð skreflengd og fótaborður lýsa framgöngu.

Næsthæstur fjögurra vetra stóðhesta er Kristall frá Jarðbrú undan Kiljan frá Steinnesi og Gleði frá Svarfhóli. Ræktandi og eigandi Kristals er Þröstur Karlsson. Fyrir sköpunag hlaut Kristall 8,16 þar af 8,5 fyrir háls, herðar og bóga og bak og lend. Heildarhæfileikar voru 8,25 þar af 9,0 fyrir samstarfsvilja. Kristall er skrefgóður, takhreinn alhliðahestur með úrvalssamstarfsvilja og hlaut aðaleinkunn upp á 8,22.

Efstur fjögurra vetra stóðhesta er glæsigripurinn og alhliðagæðingurinn Strengur frá Þúfum. Strengur er undan Sólon frá Þúfum og Kiljansdótturinni Hörpu frá Þúfum.

Ræktendur og eigendur eru Mette Mannseth og Gísli Gíslason. Strengur hlaut frábæra einkunn fyrir sköpunag eða 8,74 þar af 9,0 fyrir háls, herðar og bóga, bak og lend og samræmi. Fyrir hæfileika hlaut hann 8,60, þar af hæst fyrir greitt stökk 9,5, og 9,0 fyrir samstarfsvilja og fyrir aðra kosti 8,5. Aðaleinkunn Strengs 8,65 er önnur hæsta einkunn sem gefin hefur verið fjögurra vetra hrossi og verður afar spennandi að fylgjast með þessum stólpagrip á komandi árum.

Stóðhestar 5 vetra

Þriðju hæstu einkunn ársins í þessum flokki hlaut Náttfari frá Varmalæk undan Þráni frá Flagbjarnarholti og Nótt frá Varmalæk sem var undan Smára frá Skagaströnd. Ræktendur

	Fjöldi afkvæma	Meðalaldur	Hæð á herðar	Framhæð	Baklína	Fótahæð	Sköpunag	Hæfileikar	Aðaleinkunn	Hæfileikar án skeiðs	Aðaleinkunn án skeiðs	Kynbótamat aðaleinkunnar
Skýr frá Skálakoti	37	5.8	143.4	11.4	6.0	14	8.32	8.07	8.16	8.26	8.28	125
Konsert frá Hofi	23	6.3	145.1	11.0	5.3	16	8.30	8.07	8.15	8.19	8.23	121
Spuni frá Vesturkoti	21	6.0	143.4	10.9	5.4	14	8.19	8.18	8.19	8.20	8.20	123
Skaginn frá Skipaskaga	18	5.6	142.8	11.0	6.1	14	8.25	7.94	8.05	7.97	8.07	123
Draupnir frá Stuðlum	18	5.7	144.2	11.2	5.9	13	8.31	8.12	8.19	8.37	8.35	122
Hrannar frá Flugumýri	17	6.2	143.1	10.2	5.5	15	8.11	8.04	8.07	8.26	8.21	121
Álfaklettur frá Syðri-Gegnishólum	16	5.1	143.6	10.6	5.8	16	8.24	8.09	8.14	8.26	8.26	123
Óskasteinn frá Íbshóli	15	7.4	141.1	9.9	5.6	12	8.06	7.99	8.02	8.14	8.11	112
Víti frá Kagaðarhóli	15	5.9	141.3	10.7	6.3	12	8.24	7.98	8.07	8.36	8.32	121
Hringur frá Gunnarsstöðum	15	5.9	144.5	11.1	4.6	14	8.26	8.10	8.16	8.51	8.43	117
Arion frá Eystra-Fróðholti	14	6.1	142.6	10.6	5.4	15	8.05	7.96	7.99	8.18	8.14	115
Ölnir frá Akranesi	13	6.1	142.6	10.6	5.8	15	8.31	8.05	8.14	8.26	8.27	120
Þráinn frá Flagbjarnarholti	11	4.7	143.8	12.0	6.5	14	8.33	7.98	8.10	8.20	8.25	124
Trymbill frá Sóra-Ási	10	5.3	144.1	12.8	5.9	14	8.25	8.05	8.13	8.21	8.23	122
Hreyfill frá Vorsabæ	10	6.1	142.3	10.6	6.3	12	8.14	7.80	7.92	8.18	8.16	109
Meðaltöl allra	760	6.1	143.1	10.8	5.9	14	8.18	7.94	8.03	8.16	8.16	116

Alls standa 241 stóðhestur að baki sýndum hrossum á Íslandi árið 2023. Hér má glöggva sig á þeim fimmtán feðrum sem áttu flest sýnd afkvæmi.

Náttfara eru Þórarinn Eymundsson og Sigríður Gunnarsdóttir en eigandi er Bo Hansen. Náttfari er afar vel gerður alhliðahestur sem hlaut 8,56 fyrir sköpulag, en fyrir hæfileika hlaut hann 8,48, hæst 9,0 fyrir tölt, samstarfsvilja og fegurð í reið. Náttfari fer glæsilega á velli, er framfallegur, léttbyggður alhliðahestur, skrefmikill, með góðan fótburð og úrvals samstarfsvilja.

Næsthæstu einkunn ársins hlaut fríðleika- og glæsihesturinn klárhesturinn Húni frá Ragnheiðarstöðum. Hann er undan Álfakletti frá Syðri-Gegnishólum og Hendingu frá Úlfstöðum. Ræktandi Húna er Helgi Jón Harðarson en eigendur eru Flemming Fast og Gitte Fast Lambertsen. Fyrir sköpulag hlaut Húni 8,76 þar sem hann skartar úrvals hálsi, herðum og bógunum og samræmi upp á 9,5 og fyrir höfuð fékk hann 9,0. Kostirnir eru upp á 8,38 þar sem hæst ber að nefna 9,5 fyrir brokk og fegurð í reið, og fyrir tölt og samstarfsvilja hlaut hann 9,0. Framganga hans einkennist af fasmiklum léttstígum hreyfingum með miklum fótburði.

Hæstu einkunn í fimm vetra flokki stóðhesta fékk Organistasonurinn Hljómur frá Auðsholtshjáleigu en móðir hans er Tíbrá frá Auðsholtshjáleigu. Ræktendur Hljóms eru Gunnar Arnarson og Kristbjörg Eyvindsdóttir en eigandi er Gunnar Arnarson ehf. Hljómur hlaut 8,65 í aðaleinkunn. Fyrir sköpulag hlaut hann 8,63 þar af 9,5 fyrir hófa og 9,0 fyrir bak og lend og samræmi. Fyrir hæfileika hlaut hann 8,66, þar af 9,0 fyrir tölt, brokk, greitt stökk og samstarfsvilja. Hljómur er afar vel gerður með úrvalsyfirlínu og afar gott jafnvægi í skrokk, rúmur alhliðagæðingur með mikinn fótburð og framsækinn vilja.

Stóðhestar 6 vetra

Þriðju hæstu aðaleinkunn 8,58 hlaut Glampi frá Skeiðháholi. Hann er undan Draupni frá Stuðlum og Orradótturinni Hrefnu frá Skeiðháholi. Ræktandi Glampa er Tanja Rún Jóhannsdóttir og á hún hestinn ásamt Vilmundi Jónssyni.

Fyrir sköpulag hlaut Glampi 8,45, þar af hæst 9,0 fyrir bak og lend. Fyrir kosti hlaut hann 8,65, þar af 9,0 fyrir tölt, brokk, greitt stökk, samstarfsvilja og fegurð í reið. Glampi er fallegur á velli með úrvals bak og lend. Framgangan er fasmikill og vilji og þjálni skila gangtegundum sem eru takthreinar, skrefmiklar, með góðum fótburði.

Með aðra hæstu einkunn stóðhesta í 6 vetra flokki var Hringjari frá Efri-Fitjum sem ræktaður er af og í eigu Jóhannesar Geirs Gunnarssonar. Hringjari hlaut 8,60 í aðaleinkunn og er nokkuð jafn vel gerður og kostamikill. Fyrir sköpulag hlaut hann 8,54, þar af 9,0 fyrir bak og lend og hófa. Fyrir hæfileika hlaut hann 8,62, þar af 9,0 fyrir tölt og samstarfsvilja og að uppistöðu 8,5 fyrir aðra eiginleika. Hringjari er framhár, rúmur, viljugur og þjáll alhliðahestur með góð gangskil.

Með hæstu einkunn í sínum flokki var Spunasonurinn Guttormur frá Dallandi en móðir hans er Gróska frá Dallandi. Ræktendur Guttorms er Gunnar Dungal og Þórdís Sigurðardóttir en eigandi er Hestamiðstöðin Dalur ehf. Guttormur hlaut 8,61 í aðaleinkunn þar af 8,44 fyrir sköpulag og 8,70 fyrir hæfileika.

Hann er jafngerður á sköpulag þar sem hæst ber að nefna 9,0 fyrir réttleika og hófa. Kostirnir eru úrvalsgóðir en fyrir tölt, brokk, skeið og samstarfsvilja hlaut hann 9,0. Hann er rúmur, skrefmikill og hágengur alhliðagæðingur með frábært tölt, brokk og skeið.

Stóðhestar 7 vetra og eldri

Þriðju hæstu einkunn hlaut Djáknar frá Selfossi með 8,62 í aðaleinkunn. Djáknar er undan Arion frá Eystra-Fróðholti og Diljá frá Hveragerði. Ræktendur eru Davíð Sigmarsson og Árni Sigfús Birgisson en eigandi er Von Blinkenberg. Fyrir sköpulag hlaut Djáknar 8,02 og fyrir kosti 8,94, þar af 9,5 fyrir hægt stökk og samstarfsvilja og 9,0 fyrir tölt, greitt stökk, fegurð í reið og fet. Djáknar er frábær alhliðahestur, mjúkur, takthreinn, skrefmikill með úrvalssamstarfsvilja, framhár og hágengur.

Með næsthæstu aðaleinkunn ársins var glæsihesturinn Hylur frá Flagbjarnarholi en hann er undan Hérkules frá Ragnheiðarstöðum og Rás frá Ragnheiðarstöðum.

Ræktandi Hyls er Arnar Guðmundsson en eigandi er Heimahagi Hrossarækt ehf. Hylur er það hross sem býr að hæstu sköpulagseinkunn sem gefin hefur verið, 9,09. Nær allir eiginleikar sköpulags eru úrvalsgóðir en Hylur hlaut 9,5 fyrir samræmi, fótgerð og þrúðleika. Fyrir kosti hlaut Hylur 8,45 en fyrir brokk, greitt stökk og samstarfsvilja hlaut Hylur 9,5. Hylur er stórglæsilegur klárhestur, viljugur og þjáll með úrvalsgangtegundum sem eru takthreinar, skrefmiklar og lyftingagóðar.

Hæstu aðaleinkunn ársins í elsta flokki stóðhesta hlaut úrvalsalhliðahesturinn Seiður frá Hólum eða 8,83 í aðaleinkunn. Hann er undan Trymbli frá Stóra-Ási og Ösp frá Hólum, ræktandi er Hólaskóli en eigandi er Sveinn Ragnarsson. Fyrir sköpulag hlaut Seiður 8,63, þar af 9,0 fyrir háls, herðar og bóga og samræmi. Fyrir kosti hlaut hann 8,93, þar af 9,5 fyrir skeið og samstarfsvilja en fyrir tölt, brokk, greitt stökk og fegurð í reið hlaut hann 9,0. Gagnhæfni Seiðs er afbragð sem einkennist af takthreinum, jafnvægisgóðum og rúmum gangtegundum með góðum fótburði.

Alls standa 241 stóðhestur að baki sýndum hrossum á Íslandi árið 2023. Hér til hliðar má sjá lista yfir þá fimm títan feður sem áttu flest sýnd afkvæmi.

Höfundar eru Elsa Albertsdóttir og Halla Eygló Sveinsdóttir.

Lyftu á gæðum



CAT®

KLETTUR

REYKJAVÍK AKUREYRI 590 5100 klettur.is

ÍSLENSK FRAMLEIÐSLA
Á BÍLSKÚRS- OG IÐNAÐARHURÐUM

ISHURÐIR

www.ishurdir.is
564-0013 | 865-1237

Sniðug lausn!

Hafðu samband við okkur og fáðu allar nánari upplýsingar eða kíktu í heimsókn.

Hafðu samband á stolpigamar.is eða í síma 568 0100

stolpigamar.is



Geymslugámar með bílskúrshurð

Við bjóðum í fyrsta sinn hentuga 20 feta sérútbúna geymslugáma með bílskúrshurð sem auðveldar aðgengið mikið. Gámarnir eru hentug geymslulausn undir búslóðir, frístundatæki eða í raun hvað sem er. Komdu og skoðuðu.

Stólpi Gámar

KLETTAGARÐAR 3-5 | 104 REYKJAVÍK | STOLPIGAMAR@STOLPIGAMAR.IS